

Sarajevo, 22-06-2022
Broj: 58-04-4-28117

Na osnovu člana 70. Zakona o javnim nabavkama („Službeni glasnik BiH“, broj 39/14), člana 48. Statuta KCUS-a (Sl.novine FBiH br. 73/13), člana 21. Pravilnika o javnim nabavkama Kliničkog centra Univerziteta u Sarajevu (br.0202-14544/17) na prijedlog Komisije za javnu nabavku Izvještaj br. 10-33-4-27229-1 od 16.06.2022. godine, Generalna direktorica donosi:

ODLUKU

o izboru najpovoljnijeg ponuđača za
„Nabavku hematoloških analizatora za potrebe OJ Klinička biohemija sa imunologijom KCUS-a“

Prihvata se prijedlog Komisije za „Nabavku hematoloških analizatora za potrebe OJ Klinička biohemija sa imunologijom KCUS-a“, po Izvještaju br. 10-33-4-27229-1 od 16.06.2022. godine, nakon provedenog otvorenog postupka javne nabavke, objavljenog na portalu e-nabavke 17.03.2022.godine pod brojem 893-1-1-154-3-148/22 i ispravkom obavještenja br. 893-1-1-154-8-266/22 od 24.05.2022. godine i **ugovor se dodjeljuje najpovoljnijem ponuđaču:**

INEL-MED d.o.o. Mostar

hematološki analizatori za potrebe OJ Klinička biohemija sa imunologijom KCUS-a (3 kom)
Tip/model i proizvođač: Hematološki analizator DxH 900; Beckman Coulter
Jedinična cijena analizatora: 64.899,00 KM bez PDV-a x 3 kom

Ukupna vrijednost nabavke: 194.697,00 KM + PDV 33.098,49 KM = 227.795,49 KM sa PDV-om

- Ponuđena cijena je nepromjenjiva i izražena u KM i podrazumijeva isporuku, montažu, puštanje u rad nove opreme, te edukaciju uposlenika ugovornog organa.
- Uslovi plaćanja: u roku 30 dana od dana isporuke, montaže, puštanja u rad, edukacije osoblja, te nakon potpisivanja Zapisnika/protokola o primopredaji opreme i ispostavljanja fakture
- Garantni rok na isporučenu robu je 18 mjeseci i teče od dana potpisivanja zapisnika/protokola o primopredaji.
- Rok za isporuku, montažu, puštanje u rad opreme i edukacija osoblja je 50 dana od dana potpisivanja ugovora i prijema narudžbenice izdate od strane ugovornog organa

II

Izabrani ponuđač dužan je u roku od 5 (pet) dana od dana prijema ove Odluke, dostaviti original ili ovjerene kopije dokaza tražene tačkom 4.1. Tenderske dokumentacije, ukoliko istu nisu dostavili uz ponudu, u skladu sa dostavljenom Izjavom ponuđača, a ne starijih od 3 mjeseca računajući od momenta predaje ponude.

III

Ova Odluka stupa na snagu danom donošenja i bit će objavljena na web stranici KCUS-a, kao i dostavljena ponuđačima učesnicima postupka javne nabavke.

O B R A Z L O Ź E N J E

U skladu sa Odlukom Generalne direktorice KCUS-a broj: 58-11-3-11467-1 od 10.03.2022. godine, pokrenut je otvoreni postupak javne nabavke hematoloških analizatora za potrebe OJ Klinička biohemija sa imunologijom KCUS-a. Procijenjena vrijednost nabavke je 195.000,00 KM bez PDV-a. Nabavka je planirana privremenim Planom javnih nabavki za 2022. god. pod kategorijom „investicije - robe“ redni br. 24 (Odluka o usvajanju privremenog Plana javnih nabavki Kliničkog centra Univerziteta u Sarajevu za 2022 godinu, broj: 81/22 br. protokola 65-04-2-1874/22). Za predmetnu nabavku sredstva su obezbjeđena od tranše sredstava Federalnog ministarstva zdravstva.

Klinički centar Univerziteta u Sarajevu je na portalu e-nabavke dana 17.03.2022. godine objavio Obavještenje o nabavci broj: 893-1-1-154-3-148/22 zajedno sa Tenderskom dokumentacijom.

Na osnovu poziva objavljenog na portalu e-nabavke tendersku dokumentaciju za postupak javne nabavke preuzelo je 20 (dvadeset) potencijalnih ponuđača, a 10 h i 30 min dana 07.06.2022.godine, vremena naznačenog u Ispravci za Obavještenje o nabavci broj 893-1-1-154-8-266/22 od 24.05.2022 godine, na Protokol Kliničkog centra Univerziteta u Sarajevu dostavljene su 3 (tri) ponude što je evidentirano Zapisnikom o zaprimanju ponuda br.10-11-3-25598 od 07.06.2022.godine.

Ugovorni organ je u pozivu za dostavljanje ponuda objavio i u tenderskoj dokumentaciji naveo koje zahtjeve treba da ispune ponuđači da bi stekli uslove za dalju kvalifikaciju u javnom nadmetanju.

Komisija je izvršila uvid i provjeru dokumenata dostavljenih ponuda i ocijenila njihovu formalnu, suštinsku i tehničku valjanost, a polazeći od zahtjevane dokumentacije i Zapisnikom o pregledu o ocjeni ponuda konstatovala sljedeće:

1. Ponuđač KRAJINAGROUP d.o.o. Banja Luka dostavio je ponudu za Unaprijeđeni 5-dijelni diferencijalni hematološki analizator-Z5 proizvođača Zybion Inc.

Detaljnim analizom dostavljene ponude ponuđača KRAJINAGROUP d.o.o. Banja Luka komisija je konstatovala da ista nije tehnički prihvatljiva, jer nije dostavljena u skladu sa tenderskom dokumentacijom u dijelu Aneks 3 Tehničke specifikacije. Tačkom 3 tehničke specifikacije traženo je "Kapacitet od minimalno 70 uzoraka po satu" a ponuđač je u svojoj ponudi u dijelu Potvrda tehničkih karakteristika DA/NE napisao „NE“ i u opisu ponuđenog upisao „60 uzoraka po satu“ što nije u skladu sa traženim karakteristikama.

Nadalje ponuđač je za tačku 2. „Svi parametri moraju biti za IVD kliničku upotrebu (istraživački parametri nisu prihvatljivi)“ i 4. „Mogućnost dodavanja uzoraka u rekovima u različitim vrstama komercijalno dostupnih hematoloških epruveta“ Aneksa 3 u dijelu Potvrda tehničkih karakteristika DA/NE napisao „DA“. Pregledom dostavljene kataloške dokumentacije Komisija nije pronašla dokaze na navedenoj stranici br. 5 kataloške dokumentacije (strana 67 ponude) da ponuđeni aparat ispunjava tražene zahtjeve. Daljim pregledom tehničkih karakteristika za tačku 13. Aneksa 3 „Parametri: WBC, RBC, HGB, HCT, MCV, MCH, MCHC, RDW, PLT, MPV, MDW, NE, LY, MO, EO, BA, NE#, LY#, MO#, EO#, BA#, NRBC, NRBC#, RETIC, RETIC#“, Komisija je utvrdila da ponuđač nije ponudio sve tražene parametre navedenom tačkom. Na osnovu navedenog Komisija je konstatovala da dostavljena ponuda ponuđača KRAJINAGROUP d.o.o. Banja Luka ne ispunjava tehničke zahtjeve tražene tenderskom dokumentacijom.

Iz gore navedenih razloga, u skladu sa Zakonom o javnim nabavkama, ponuda ponuđača KRAJINAGROUP d.o.o. Banja Luka se odbacuje i ne učestvuje u daljem toku postupka javne nabavke.

2. Ponuđač DIAMEDIC d.o.o. Sarajevo dostavio je ponudu za Analizator hematoloških stanica IVD, automatizovan; CELL-DYN RUBY; ABBOTT LABORATORIES

Detaljnim analizom dostavljene ponude ponuđača DIAMEDIC d.o.o. Sarajevo komisija je konstatovala da ista nije prihvatljiva. Detaljnim analizom tehničkih karakteristika (zahtjeva) traženih u tačku 13. Aneksa 3 „Parametri: WBC, RBC, HGB, HCT, MCV, MCH, MCHC, RDW, PLT, MPV, MDW, NE, LY, MO, EO, BA, NE#, LY#, MO#, EO#, BA#, NRBC, NRBC#, RETIC, RETIC#“, Komisija je utvrdila da ponuđač nije ponudio sve tražene parametre. Prema dostavljenoj kataloškoj dokumentaciji (sastavni dio ponude) ponuđeni uređaj ne određuje parametre: MDW, NRBC, NRBC#. U dostavljenoj ponudi, ponuđač je za stavku 13. Aneksa 3. u dijelu „Broj stranice u prospektnoj /kataloškoj dokumentaciji“ naznačio stranu 7. kataloga i stranice ponude br. 65, 75 i 80. Na strani br. 7. kataloga (strana 63. ponude) su navedeni parametri koje određuje ponuđeni analizator, a među njima nema navedeno (a traženo) MDW, NRBC, NRBC#. Osim navedenog u naznačenoj stranici 65. dostavljene ponude nalaze se informacije koje ne govore o traženim parametrima tačke 13. Aneksa 3., dok na takođe naznačenim stranicama 75 i 80 dostavljene ponude, stoje informacije o software-u Aliniq AMS (middleware) koji također ništa ne govori o traženim parametrima. Analizirajući i ostatak dostavljene ponude Komisija nije mogla potvrditi da ponuđeni analizator može određivati sve tražene parametre. Na osnovu navedenog Komisija je konstatovala da dostavljena ponuda ponuđača DIAMEDIC d.o.o. Sarajevo ne ispunjava tehničke zahtjeve tražene tenderskom dokumentacijom.

Iz gore navedenih razloga, u skladu sa Zakonom o javnim nabavkama, ponuda ponuđača DIAMEDIC d.o.o. Sarajevo se odbacuje i ne učestvuje u daljem toku postupka javne nabavke.

3. Ponuđač INEL-MED d.o.o. Mostar dostavio je ponudu za Hematološki analizator DxH 900; Beckman Coulter

Pregled dostavljene ponude ponuđača INEL-MED d.o.o. Mostar komisija je konstatovala da ista ispunjava formalno pravne, tehničke i suštinske zahtjeve gdje je dostavljena ponuda ocijenjena kao prihvatljiva, pa može biti predmet vrednovanja i može učestvovati u daljem toku u daljem toku postupka javne nabavke.

Za ovaj postupak javne nabavke planirano je provođenje e-aukcije, ali u skladu sa Pravilnikom o uslovima i načinu korištenja e-aukcije, član 3. Stav 3) u kojem je regulisano kako se e-aukcija ne može provesti u slučaju prijema jedne prihvatljive ponude, te se postupak okončava u skladu sa članom 69. stav 1 pod a) ZJN.

Uzimajući u obzir naprijed navedno, te da je cijena jedine prihvatljive ponude u okviru osiguranih sredstava za nabavku, Komisija Izvještajem br. 10-33-4-27229-1 od 16.06.2022. godine predlaže da se ugovor za „Nabavku hematoloških analizatora za potrebe OJ Klinička biohemija sa imunologijom KCUS-a ” dodijeli ponuđaču INEL-MED d.o.o. Mostar.

Prijedlog Komisije je prihvaćen i donosi se odluka kao u dispozitivu.



GENERALNA DIREKTORICA
Prof.dr. Senija Izetbegović

POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 10 (deset) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:
- Ponuđačima;
- Tehnički sektor
- a/a KCUS

